


八捷度論

才十

三百五十一
比十

5-0249



阿毗曇八捷度論卷第十

迦旃延子造

符秦罽賓三藏僧伽提婆共竺佛念

譯

阿毗曇智捷度之二

五種跋渠第二

邪見等見逆

學者亦無學

非學非無學

梵忍及五種

云何邪見云何邪智若邪見是邪智耶設是
 邪智是邪見耶邪見攝邪智耶邪智攝邪見
 耶若成就邪見彼邪智耶設成就邪智彼邪
 見耶若邪見已滅無餘彼邪智耶設邪智已
 滅無餘彼邪見耶問定理攝成就滅云何等
 見云何等智若等見彼等智耶設是等智是



等見耶等見攝等智等智攝等見耶若成就
等見彼等智耶設成就等智彼等見耶若等
見已滅無餘彼等智耶設等智已滅無餘彼
等見耶問定理攝成就滅也諸逆慧盡是結
耶設是結盡是逆慧耶云何學見云何學智
云何學慧若是學見是學智耶設是學智是
學見耶學見是學慧耶設學慧是學見耶
智是學慧耶設學慧是學智耶學見攝學智
耶學智攝學見耶學見攝學慧學慧攝學見
耶學智攝學慧學慧攝學智耶若成就學見
彼學智耶設成就學智彼學見耶若成就學
見彼學慧耶設成就學慧彼學見耶若成就

學智彼學慧耶設成就學慧彼學智耶問定
理攝成就也

云何無學見云何無學智云何無學慧無學
見是無學智耶設無學智是無學見耶無學
見無學慧耶設是無學慧是無學見耶若無
學智是無學慧耶設無學慧是無學智耶無

學見攝無學智耶無學智攝無學見耶無學
見攝無學慧無學慧攝無學見耶無學智攝
無學慧無學慧攝無學智耶若成就無學見
彼無學智耶設成就無學智彼無學見耶若
成就無學見彼無學慧耶設成就無學慧彼
無學見耶若成就無學智彼無學慧耶設成

就無學慧彼無學智耶問定理攝成就也

云何非學非無學見云何非學非無學智云
何非學非無學慧若非學非無學見是非學
非無學智耶設是非學非無學智是非學非
無學見耶若非學非無學見是非學非無學
慧耶設非學非無學慧是非學非無學見耶
若非學非無學智是非學非無學慧耶設非
學非無學慧是非學非無學智耶若非學非
無學見攝非學非無學智耶若非學非無學
智攝非學非無學見耶若非學非無學見攝
非學非無學慧耶若非學非無學慧攝非學
非無學見耶若非學非無學智攝非學非無

學慧耶設非學非無學慧攝非學非無學智
耶若成就非學非無學見彼非學非無學智
耶設成就非學非無學智彼非學非無學見
耶若成就非學非無學見彼非學非無學慧
耶設成就非學非無學慧彼非學非無學見
耶若成就非學非無學智彼非學非無學慧
耶設成就非學非無學慧彼非學非無學見
耶若成就非學非無學見已滅無餘彼非無
學智耶設非學非無學智已滅無餘彼非學
非無學見耶若非學非無學見已滅無餘彼
非學非無學慧耶設非學非無學慧已滅無
餘彼非學非無學見耶若非學非無學智已

滅無餘彼非學非無學慧耶設非學非無學
慧已滅無餘彼非學非無學智耶問定理攝
成就滅也如彼梵天作是語我於此梵大梵
當造化妙造衆生類於此五見是何等見用
何等諦斷此見如彼梵迦夷天作是語此梵
大梵當造化妙造衆生類於此五見是何等
見用何等諦斷此見如彼長爪梵志作是語
一切瞿曇我不忍一切我忍有忍有不忍於
此五見是何等見用何等諦斷此見所謂此
見阿羅漢失不淨其形像精魔迦夷天身也
阿羅漢失不淨於此五見是何等見用何等
諦斷此見所謂此見阿羅漢自脫不知阿羅

漢自脫狐疑得阿羅漢由他知於此五見是
何等見用何等諦斷此見所謂此見稱唯苦
道種苦道種於此五見是何等見用何等
諦斷此見此章義願具演說

云何邪見云何邪智邪見云何答曰五見不
定義五見盡邪見若定所謂此見無施無報
無說是謂邪見邪智云何答曰意識身相應
染汚慧五識身相應染汚慧是謂邪智若邪
見是邪智耶答曰如是邪見是邪智頗有邪
智非邪見答曰有除五見諸餘意識身相應
染汚慧五識身相應染汚慧邪見攝邪智邪
智攝邪見耶答曰邪智攝邪見非邪見攝邪

智不攝何等答曰除五見諸餘意識身相應
染污慧五識身相應染污慧若成就邪見彼
邪智耶答曰如是若成就邪見彼邪智也頗
成就邪智非邪見耶答曰有學見跡若邪見
已滅無餘彼邪智耶答曰如是若邪智已滅
無餘彼邪見也頗有邪見已滅無餘非邪智

耶答曰有學見跡問定理攝成就滅也云何
等見云何等智等見云何答曰盡智無生智
不攝意識身相應善慧等智云何答曰除所
修忍諸餘意識身相應善慧五識身相應善
慧等見是等智耶答曰或等見非等智云何
等見非等智答曰所修行忍是謂等見非等

智云何等智非等見答曰五識身相應善慧
盡智無生智是謂等智非等見云何等智等
見答曰除所修行忍盡智無生智諸餘意識
身相應善慧是謂等智等見云何非等見非
等智答曰除上余所事等見攝等智耶答曰
或等見非等智云何等見非等智答曰所修
行忍是謂等見非等智云何等智非等見答
曰五識身相應善慧盡智無生智是謂等智
非等見云何等見等智答曰除所修行忍盡
智無生智諸餘意識身相應善慧是謂等見
等智云何非等見非等智答曰除上余所事
成就滅亦如是問定理攝成就滅也諸逆慧

盡是結耶。荅曰：或逆慧非結。云何逆慧非結。
荅曰：除二結。願見諸餘染污慧是謂逆慧非結。
云何結非逆慧。荅曰：七結是謂結非逆慧。云
何逆慧是結。荅曰：二結是謂逆慧結。云何非
逆慧非結。荅曰：除上介所事。云何學見。云何
學智。云何學慧。學見。云何。荅曰：學慧學智。云
何。荅曰：學八智學慧。云何。荅曰：學見學智學
慧。此之謂也。若學見是學智耶。荅曰：如是學
智是學見。頗有學見非學智耶。荅曰：有所修
行忍若學見是學慧耶。荅曰：如是設是學慧
是學見耶。

荅曰：如是若學智是學慧耶。荅曰：如是若學

智是學慧頗有學慧非學智耶荅曰有所修
行忍學見攝學智學智攝學見耶荅曰學見
攝學智非學智攝學見不攝何等荅曰所修
行忍學見攝學慧耶荅曰如是學慧攝學見
耶荅曰如是學智攝學慧學慧攝學智耶荅
曰學慧攝學智非學智攝學慧不攝何等荅
曰所修行忍若成就學見彼學智耶荅曰如
是若成就學智彼學見也頗成就學見非學
智耶荅曰有苦法忍現在前若成就學見彼
學慧耶荅曰如是設成就學慧彼學見耶荅
曰如是若成就學智彼學慧耶荅曰如是若
成就學智彼學慧也頗成就學慧非學智耶

答曰有苦法忍現在前問定理攝成就云何
無學見云何無學智云何無學慧無學見云
何答曰盡智無生智不攝無漏慧無學智云
何答曰無學入智無學慧云何答曰無學見
無學智無學慧此之謂也無學見是無學智
耶答曰如是無學見是無學智頗有無學智
非無學見耶心曰有盡智無生智也頗無學見
是無學慧耶答曰如是無學見是無學慧頗
無學慧非無學見耶答曰有盡智無生智無
學智是無學慧耶答曰如是無學慧是無學
智耶答曰如是無學見攝無學智無學智攝
無學見耶答曰無學智攝無學見非無學見

攝無學智不攝何等。答曰：盡智無生智無學見攝無學慧無學慧攝無學見。耶。答曰：無學慧攝無學見非無學見攝無學慧不攝何等。答曰：盡智無生智無學智攝無學慧。耶。答曰：如是無學慧攝無學智耶。答曰：如是成就亦如是問定理攝成就也。去何非學非無學見。

云何非學非無學智。云何非學非無學慧。非學非無學見。云何。答曰：眼根五見世俗等見也。非學非無學智。云何。答曰：意識身相應有漏慧五識身相應慧也。非學非無學慧。云何。答曰：意識身相應有漏慧五識身相應慧。若非學非無學見是非學非無學智耶。答曰：或

見非智云何見非智荅曰眼根是謂見非智
云何智非見荅曰除五見世俗等見諸餘意
識身相應有漏慧五識身相應慧是謂智非
見云何見智荅曰五見世俗等見是謂見智
云何非見非智荅曰除上余所事非學非無
學見是非學非無學慧耶荅曰或見非慧云
何見非慧荅曰眼根是謂見非慧云何慧非
見荅曰除五見世俗等見諸餘意識身相應
有漏慧五識身相應慧是謂慧非見云何見
慧荅曰五見世俗等見是謂見慧云何非見
非慧荅曰除上余所事非學非無學智是非
學非無學慧耶荅曰如是設非學非無學慧

是非學非無學智耶。答曰：如是非學非無學，見攝非學非無學智耶。答曰：或見非智，云何見非智？答曰：眼根是謂見非智，云何智非見？答曰：除五見，世俗等見，諸餘意識，身相應有。漏慧五識，身相應，慧是謂智非見，云何見智？答曰：五見，世俗等見，是謂見智，云何非見非智？答曰：除上，余所事非學非無學，見攝非學非無學，慧耶。答曰：或見非慧，云何見非慧？答曰：眼根是謂見非慧，云何慧非見？答曰：除五見，世俗等見，諸餘意識，身相應有。漏慧五識，身相應，慧是謂慧非見，云何見慧？答曰：五見，世俗等見，是謂見慧，云何非見非慧？答曰：除

上亦所事非學非無學智攝非學非無學慧
耶荅曰如是非學非無學慧攝非學非無學
智耶荅曰如是成就滅亦如是問定理攝成
就滅也如彼梵天作是說我於此梵大梵富
以界法盜為最此是見盜苦諦所斷造化無
作言作此是戒盜苦諦所斷言妙者以界法
盜為最此是見盜苦諦所斷造眾生類無作
言作此是戒盜苦諦所斷如彼梵迦夷天作
是言此梵大梵富以界法盜為最此是見盜
苦諦所斷造眾生類無作言作此是戒盜苦諦所
斷言妙者以界法盜為最此是見盜苦諦所
斷造眾生類無作言作此是戒盜苦諦所斷

如彼長爪梵志作是語一切瞿曇我不忍此
邊見斷滅所攝苦諦所斷一切瞿曇我忍此
邊見有常所攝苦諦所斷我有忍有不忍彼
有忍者此邊見有常所攝苦諦所斷彼有不
忍者此邊見斷滅所攝苦諦所斷所謂此見
阿羅漢失不淨其形像精魔迦夷天阿羅漢
失不淨汚牀褥無作言作此是戒盜苦諦所
斷所謂此見阿羅漢自脫不知言阿羅漢無
此智此邪邪見道諦所斷所謂此見阿羅漢
自脫狐疑阿羅漢已越狐疑此邪邪見道諦
所斷所謂此見得阿羅漢由他知得阿羅漢
不由他知此邪邪見道諦所斷所謂此見稱

言苦道種苦道種無作言作此是戒盜苦諦

所斷

五種跋渠竟胡本二
百首盧長十四字

知他人心跋渠第三

知他人人心四 及愛亦有五

明信滅顛倒

修行三昧道

云何知他人心智云何識宿命智若知他人

心智即知他人心耶設知他人心是知他人

心智耶若識宿命智即識宿命耶設識宿命

是識宿命智耶若識宿命智彼知過去他人

心所念法耶設知過去他人心所念法是識

宿命智耶云何等意解脫云何無疑解脫以

何等故等意解脫言愛耶諸等意解脫彼一

切盡智相應耶設盡智相應彼一切等意解
脫耶諸無疑意解脫彼一切無生智相應耶
設無生智相應彼一切無疑意解脫耶云何學明
云何學智云何無學明云何無學智修行法
持最初得何等信佛耶法耶僧耶此四顛倒
須陀洹幾滅幾不滅此三三昧須陀洹幾成
就過去幾成就未來幾成就現在若道過去
一切彼道已修已猗耶設道已修已猗一切彼
道過去耶若道未來一切彼道不修不猗耶
設道不修不猗一切彼道未來耶若道現在
一切彼道當修當猗耶設道當修當猗一切
彼道現在耶此章義願具演說

云何知他人心智云何識宿命智知他人心
智云何答曰若智所修所修果憶所修已得
不失所可用智現在前他衆生他人所覺所
觀所行已覺意性如實知之是謂知他人心
智識宿命智云何答曰若智所修所修果憶
所修已得不失所可用智現在前如其相貌
無數生識宿命是謂識宿命智若知他人心
智即知他人心耶答曰或知他人心智非知
他人心云何知他人心智非知他人心答曰
若知他人心智過去未來是謂知他人心智
即非知他人心云何知他人心非知他人心智
耶答曰如是覩相聞他語知他人心是謂知他

人心非知他人心智云何知他人心智亦知
他人人心荅曰若智所修所修果憶所修已得
不失所可用智現在前他衆生他人所覺所
觀所行已覺意性如實知之是謂知他人心
智亦知他人人心云何非知他人心智亦不知
他人人心荅曰除上尔所事若識宿命智即識
宿命耶荅曰或識宿命智即不識宿命云何
識宿命智即不識宿命荅曰若識宿命智過
去未來是謂識宿命智彼不識宿命云何識
宿命非識宿命智荅曰如生識宿命如其色
像生得此智識宿命是謂識宿命非識宿命
智云何識宿命智彼識宿命荅曰若智所修所

修果憶所修已得不失所可用智現在前如其相貌無數生識宿命是謂識宿命智彼識宿命云何非識宿命智非識宿命耶荅白除上余所事若識宿命智彼知過去他人心中念法耶荅曰或識宿命智彼不知過去他人心中念法云何識宿命智彼不知過去他人心中念法荅曰若智所修所修果憶所修已得不失所可用智現在前過去生時知自更持陰入心是謂識宿命智彼不知過去他人心中念法云何知過去他人心中念法非識宿命智耶荅曰若智所修所修果憶所修已得不失所可用智現在前過去於此生他衆生

他人心智所更持陰入心是謂知過去他人
心所念法非識宿命智云何識宿命智亦知
過去他人心所念法荅曰若智所修所修果
憶所修已得不失所可用智現在前過去生
時他衆生他人知所更持陰入心是謂識宿
命智亦知過去他人心所念法云何非識宿
命智亦不知過去他人心所念法荅曰若智
所修所修果憶所修已得不失所可用智現
在前過去於此生知自所更持陰入心是謂
非識宿命智亦不知過去他人心所念法云
何等意解脫云何無疑意解脫等意解脫云
何荅曰等意解脫阿羅漢盡智無學等見所

可相應心脫已脫當脫是謂等意解脫無疑
意解脫云何答曰無疑意法阿羅漢盡智無
生智無學等見所可相應心脫已脫當脫是
謂無疑意解脫以何等故等意解脫言愛耶
答曰等意解脫阿羅漢護此法自愛取蔽彼
等意解脫阿羅漢善自護愛取蔽我於此
法莫退譬如母人有一子愛忍常不離目彼
母人養護攝覆此不寒不熱不飢不渴無有
衆惱如是等意解脫阿羅漢此法自護取蔽
彼等意解脫阿羅漢善自護取蔽我莫於此
法退以是故等意解脫言愛也諸等意解脫
與盡智相應耶答曰或等意解脫不與盡智

相應云何等意解脫不與盡智相應答曰等
意解脫阿羅漢無學等見所可相應心脫已
脫當脫世三是謂等意解脫不與盡智相應云
何盡智相應非等意解脫答曰無疑法阿羅
漢盡智所可相應心脫已脫當脫是謂盡智
相應非等意解脫云何等意解脫盡智相應
答曰等意解脫阿羅漢盡智所可相應心脫
已脫當脫是謂等意解脫盡智相應云何非
等意解脫不盡智相應答曰無疑法阿羅漢
無生智無學等見所可相應心脫已脫當脫
是謂非等意解脫不盡智相應諸無疑意解
脫盡無生智相應耶答曰如是諸與無生智

相應盡無疑意解脫頗有無疑意解脫不與
無生智相應耶荅曰有無疑法阿羅漢盡智
無學等見所可相應心脫已脫當脫云何學
明云何學智學明云何荅曰學慧也學智云
何荅曰學八智也云何無學明云何無學智
無學明云何荅曰無學慧也云何無學智荅
曰無學八智也修行法時最初得何等信佛
耶法耶僧耶荅曰修行苦法修行習法修行
盡法修行道法佛法僧也此四顛倒須隨
幾滅幾未滅荅曰一切滅也此三三昧須隨
洹幾成就過去幾成就未來幾成就現在荅
曰盡成就未來已滅不失即成就過去若現

在前成就現在若道過去一切彼道已修已
猗耶荅曰如是若道過去一切彼道已修已
猗頗有道已修已猗此道不過去耶荅曰有
未來道已修已猗也若道未來一切彼道不
已修不已猗荅曰或道未來此道非不已修
非不已猗云何道未來此道非不已修非不
已猗耶荅曰未來道已修已猗是謂道未來
此道非不已修非不已猗也云何道不已修
不已猗此道不未來耶荅曰未曾得道現在
前是爲道不已修不已猗此道不未來云何
道未來此道不已修不已猗荅曰若道未來
不已修不已猗是謂道未來此道不已修不

已猗云何道非未來此道非不已修非不已
猗谷曰過去道本得現在前是謂道非未來
此道非不已修非不已猗若道現在前一切
盡修猗耶谷曰如是若道現在前一切彼道
盡修猗頗道修猗此道不現在前耶谷曰有
如本未得道現在前餘未來彼種所修道也

知他人心智跋渠三竟
胡本百三十二首盧

阿毗曇論卷第十

智捷度之

長爪

下之狐疑
巧反胡上音

比

